

存神燒香

香官使者左右龍虎君侍香諸靈官當令日設醮行道之所自然生金液丹碧芝英百靈眾真交會在此香火爐前令日學道得道求仙得仙齊官獲福幽顯沾恩十方仙童玉女侍衛蘭煙傳臣向來所啓速達運御太上无極大道至真玉皇上帝御前

回轉頌

焚燎

靈寶領教濟度金書卷之二百四十五

靈寶領教濟度金書卷之二百四十六二百四十七
洞微高士開光啟苦真人靈金真授
靈寶通女以教水南先生林靈真編

科儀立成品祈晴齋合用

早朝行道儀

燒香頌

各禮師存念如法

宜衛靈呪

青陽虛映曜日回靈神虎辟邪飛天流鈴
推奸滅試萬魔東形九微回通八威攝精
千真校錄三元蕩清左肅中黃右策六丁
七轉八合周旋天經聖化魏魏三道順行
慶雲流布合景黃庭和與道合真

鳴法鼓二十四通

无上三天玄元始三炁太上道君召出臣身
中三五功曹左右官使者侍香金童傳言玉
女五帝直符直日香官各三十二人出出者
嚴裝闍啓玄壇天帝神君當召此間土地里
威真官正神急上開啓臣今奉為入麻意以

今清且陞壇行道願得玉清道炁靈寶妙光
下降流入臣等身中令臣所啓速達運御
太上无極大道至真玉皇上帝御前

謹稱法位

具位臣某與臨壇官眾等謹同誠上啓

虛無自然元始天尊无極大道太上道君太
上老君高上玉皇上帝高上神霄玉清真王
長生大帝高上神霄玉清真王青華大帝九
天應元雷聲普化天尊九天雷祖上帝上清
紫微碧玉官太乙天大帝六天洞淵大帝六
波天上帝君可韓司丈人天尊九天采訪使
天尊雷震九司諸天省府東華西靈執職真
衆洞天福地四海四瀆溪澗潭洞主宰龍神
社稷山川城隍里域三界官屬一切真靈臣
聞先天先地虛无疑一炁之宗分陰分陽妙
有散萬靈之象胤百昌而化育詞九野以裁
成雨露無私共稟清微之政今雷霆有赫普
承紫極之靈光蕩蕩難名魏魏不宰凡囿範
圍之內悉歸陶冶之中臣等弱質迂疎庸林
鄙陋因循日齋曲承師匠之甄收領受風斤

敢代天工之參贊功莫圓於圭黍過已積於淵陵宏道宣仁期秉骨青之誓學真領教爰堅金石之盟齋官青詞謹當宣奏

宣詞

按如詞旨極備快恂臣聞百穀用成豐藉雨暘之時若三農胥慶夙資水旱之得宜儻天時偏陰而偏陽則地利或豐而或歉况茲田畝散在郊原多旱濕而莫耕每沮洳而難種乃從春仲馴至夏中淫雨濛濛市江河而自溢積陰黧黧雖溝洫以皆盈屋角之鳴鳩常聞簷間之商羊自舞匪由祈祝曷保晴明爰遵玉芡之儀丕闡瓊網之範壇崇九陛門列八維鯨鐘傳振玉之聲幡花璀璨虬盤鶴鳴金之韻旌葆翮翻真龍壁於五靈羅鳳繪於列鎮玄芝耀座輅清都浩劫之尊綵仗飛空降紫府太無之聖殫誠九拜攝敬三時為濟主未期昭晰於日光十華煥景俾停止於雨勢八海歸源庶無淫潦之憂獲滿登成之願以今清旦行道請法眾等連茲初捨上香願此香煙騰空逕上供養

无上至真道寶臣等皈身皈神皈命首體投地願以是功德上祝

皇帝陛下伏願治契勳華功參履發福等滄瀛之大遠接河源壽同萬岱之高遙齊崑頂文治誕敷於四極武功統御於九圍就日歸

仁乘梯航而拱極觀風慕義同文軌以朝元今故燒香自皈依

師尊大聖眾至真之德得道之後保天長存和與道合真

以今清旦行道請法眾等連茲二捨上香願此香煙騰空逕上供養

无上至真經寶臣等皈身皈神皈命首體投地願以是功德皈流四岳九牧萬姓三軍伏願寅亮槐庭論思蔽省入登公輔服圭象袞以趨朝出領雄藩擔帷去去而行部八表舒

遲於化日九圍不冒於仁風密密黃雲映畝畫聞於耒耜濛濛綠霧郊垌曉動於耨鋤今故燒香自皈依

師尊大聖眾至真之德得道之後升入無形和與道合真

以今清旦行道請法眾等連茲三捨上香願此香煙騰空逕上供養

无上至真師寶臣等皈身皈神皈命首體投地願以是功德歸流親民陽祿佐政陰僚伏願體道同仁憲天博愛崇陰蔽蒂釀成襦袴

之誥花意繁鮮益茂絃誦之俗贊生生而默佐資化化以潛扶職宰山川調五雨十風之應揮司境域表八簞九稼之隆今故燒香自皈依

師尊大聖眾至真之德得道之後長享自然和與道合真

禮方 儀方

旋行躡雲網 乘虛步玄紀 吟詠帝一尊

百關自調理 俯命八海童 仰携萬仙子 諸天散香花 蕭然靈風起 宿願定命根 故致標高擬 歡樂太上前 萬劫猶未始

又 嗟峨玄都山 十方宗皇一 崑崙天寶臺 光明焰流日 焯焯玉林華 舊燦耀未寶

常念養元精 煉液固形質 金光散紫微
窈窕大業遠

又

俯仰存太上 華景秀丹田 左顧提鸞儀
右盼携結璘 六度冠梵行 道德隨日新

寤命積福應 聞經若至親 天挺超世才
樂誦希夷篇 沖虛太和氣 吐納流霞精

胎息靜百關 寥寥究三便 泥丸洞明景
逐成金華仙 魔王敬受事 故能朝諸天

皆從齋戒起 累功結良緣 飛行凌太虛
提携高上人

三啓頌

樂法以為妻 愛經如珠玉 持戒制六情
念道達所欲 澹泊正氣停 蕭然神靜默
天魔並敬護 世世受大福

又

鬱鬱家國盛 濟濟經道興 天人同其願
縹緲入大乘 因心立福田 靡靡法輪升
七祖生天堂 我身白日騰

又

大道洞玄虛 有念無不契 煉質入仙真
遂成金剛體 超度三界難 地獄五苦解
悉歸太上經 靜念稽首禮

三禮

等至心稽首禮

太上無極大道

等至心稽首禮

三十六部尊經

等至心稽首禮

玄中大法師

重稱法位

具位 臣等與臨壇官眾等謹同誠上啓

虛無自然元始天尊無極大道太上道君太
上老君昊天玉皇上帝高上神霄玉清真王
長生大帝高上神霄玉清真王青華大帝九
天應元雷聲普化天尊九天雷祖上帝上清
紫微碧玉宮太乙大帝六天洞淵大帝六
破天上帝君可韓司大人天尊九天採訪使
天尊雷霆九司諸天省府東華西靈執職真
衆洞天福地四海四瀆溪澗潭洞主宰龍神

社稷山川城隍里域三界官屬一切真靈臣
聞日月星辰司陰陽之聖籙風雷雨電握天
地之神樞際災早則職晰運朝遇水潦則昏
澄竟日惟靜能應有感斯通今齊主某憫此
陰災莫逢陽景沉霾逾月庭簷多雷雲之聲
積賢彌旬屋溜極霂霂之勢田疇盡漲吠豕
俱漫慘爾耕農惟呼天而引涕悲哉儲婦每
扣地以舉眉既春耕無入土之期則秋斂乏
登場之積村村狼狽處處流離深慮蠢蠢蒼
生林林赤子有生之後浩劫以來捨心田而
不芸恣情懶之莫障唾星指月怨暑咨寒呵
風雨而怒雷霆虹霓而踐霜露擊斷地脉
壅塞泉源致上逆於天文而下達於地理名
書黑簿字錄天曹俾司土之正神暨職方之
守吏移文地府傳檄天廷遂罹水洩之災莫
受豐成之喜儻不皈依於紫極何由安樂於
黃垓是以陸壇建齋為懺除於往咎燒香行
道普迎輅於新釐伏冀列聖垂恩千真錫祉
指麾屏翳收雨陣於玄虛爾命飛廉捲風旗
於碧落頃刻而赤雲遍野須臾而紅日行天

庶得播種盈疇秀實滿騰是刈是穫坐看高
 廩之烏邪以期以春行見積倉之白粲悉繇
 帝渥成此歲功敢徵惠下之私恪副由中之
 禱上願乾坤清證經緯調平草木輝華山川
 寧晏野絕弓旌之召時號太和朝多珪璋之
 英俗臻泰定靜綠林於方域鞠青草於園扉
 鳳有朝鳴四塞息控弦之影犬無夜吠八荒
 多負耒之徒化洽禽魚仁沾動植則上明
 天尊大慈之化下副臣等皈命之誠謹啓以
 聞

發願

- 一 念為道四大合德齋主七世父母免脫憂
 苦上升天堂永食自然
- 二 念帝王國主道化興隆庠序濟濟皇教恢
 弘威儀翼翼普天所瞻民稱太平四夷賓
 伏妖惡自滅賢聖日生
- 三 念法師功德大建教化明達俱獲飛仙
- 四 念同志學人早得仙道更相開度
- 五 念九親和睦好尚仁義貴道賤財行為物
 範

六 念損己布施道士及饑寒者天下人民各
 得其所

七 念蠕動踐行一切衆生咸家成就
 八 念救貫前生今世罪對立功補過
 九 念家門隆盛宗廟有人世生賢才

十 念尊受師經不敢中怠平等一心廣度一
 切克獲飛仙白日登天拜見太上永成真
 人雲車羽駕和與道合真

存神燒香

香官使者左右龍虎君侍香諸靈官當今臣
 建齋之所自然生金液丹碧芝英百靈衆真
 交會在此香火爐前臣學道得道求仙得
 仙齋主受福幽顯沾恩十方仙童玉女侍衛
 蘭煙傳臣向來所啓速達逕御
 太上无極大道至真玉皇上帝御前

出堂頌

回靜默

謝師 回向

靈寶領教濟度金書卷之二百四十六

靈寶領教濟度金書卷之二百四十七

洞微高士開光救苦真人寶金真校
 靈寶通玄弘教水南先生林里具編

科儀立成品祈晴奏合用

午朝行道儀

燒香頌

各禮師存念如法

宣衛靈呪

丹靈朱火炎霞激風赤輪剛運天光一衝
 迸威包羅交變萬方流金豁落群魔滅蹤
 辟奸破妖明耀元功金符召制躡雲乘龍
 謠譟慶會散花太空神化冥運四極安隆
 伏御帝前罔有不從和與道合真

鳴法鼓二十四通

无上三天玄元始三炁太上道君召出臣身
 中三五功曹左右官使者侍香金童傳言玉
 女五帝直符直日香官各三十二人出出者
 嚴裝關啓玄壇天帝神君當召此間土地里
 城真官正神急上開啓臣今奉為壽意以今
 臨午陞壇行道願得玉清道炁靈寶妙光下